

Imisebenzi

Umsebenzi 1

Nisakugqiba ukubukela ividiyo, niqaphela ntoni ngokuxatyiswa nokungaxatyiswa kwabantu ababhinqileyo? Xhasani izimvo zenu ngokuthi nicaphule apha kwiintetho zabalinganiswa, ingakumbi amadoda xa ethetha nabafazi. Xoxani kumaqela enu. Hlalutyani ezi ntetho zilandelayo:

- (a) Intetho kaVuyo xa athetha ngokuba namalungu angabafazi embuthweni wakhe.
- (b) Impendulo kaMamCirha xa ethetha noMpinga otye imali yakhe yombutho
- (c) Indlela uMpinga athetha ngayo noMamCirha engabonakalisi kudana.

Umsebenzi 2

- (a) Kumaqela enu, yenzani umdlalo nilinganise okuqhubeka kwividiyo. Musani ukuxhomekeka kwiintetho zabalinganiswa abakwividiyo kuphela. Nongani umdlalo ngokuthi nifakele nezenu izimvo kwiintetho zenu njengabalinganiswa.
- (b) Emva kokuba nenze lo mdlalwana thelekisani imibutho yabahlali kwinkcubeko yamaXhosa neyenu inkcubeko. Oku kusoloko kusenziwa izinto kunye ngamaXhosa kunifundisa ntoni ngawo? Qaphelani indlela abancedana ngayo xa kuswelekiwe (death), xa kukho imibhiyozo (celebrations), njalo njalo.
- (c) Nika iintsingiselo zala magama:
 - (i) inkcubeko
 - (ii) ukukhonza
 - (iii) Nika isichasi seli gama: uxolo

Umsebenzi 3

- (a) Masithi nguwe lo utyelwe imali nguMpinga. UnguMamCirha. Veza imbilini yakho kuMpinga nakumalungu ombutho. Elowo makazisebenzele abhale phantsi amazwi abeza kuwabhekisa kuMpinga.
- (b) Eklasini, elowo umfundi makafunde amazwi akhe njengoMaMpinga.

Umsebenzi 4

Ukuba ubungumbhali weli bali besiza kuthini isiphelo salo? Bhala isiphelo somdlalo usingenise kumhlohli wakho.

Umsebenzi 5

Shwankathela le ntetho yaba balinganiswa ngawakho amazwi ukubonakalisa ukuba uyakwazi okuqhubekayo:

LINDIWE: Ingathi umbutho uza kakuhle

LIZO: Khawutsho yimalini?

LINDIWE: Yi-R2000.00

LIZO: Hayi! Hayi! Awunakuze!

BUKELWA: Hay'! Inonyawo lwemfene le nto!

LIZO: Ayinakuze ibe yi- R2000.00!

LINDIWE: Hayi, soze zingabikho izibhoxi!

VUYO: Aba bafazi babhatale kakuhle?

LIZO: Wawutshilo! Wawutshilo!

LINDIWE: Nank'uMamCirha! Akukho nesenti ecaleni kwegama lakhe!

Umbuzo 6

Phendula le mibuzo ilandelayo:

- (a) Kukuthini ukukhuza ? Ngubani okhuzayo kwividiyo? Bakhuza ntoni?
- (b) Ngubani ongabhatalanga imali yombutho? Kutheni?
- (c) Ithini impendulo yomntu ongabhatalanga imali yombutho ebeyithunywa nguMamCirha? Ingaba ubonisa udano?
- (d) caphula amazwi arhabaxa athethwa ngomnye umlinganiswa ebhekisa KuMamCirha Ekungekho Necent Ecaleni Kwegama Lakhe.

Umbuzo 7

UnguMamCirha. Bhalela umhlobo wakho osenyongweni umchazela ngokutyelwa kwakho imali yombutho nguMpinga. Ubumnikela uMpinga imali ngokumthamba kanti akabhatali nesenti le. Mxelele nangamazwi arhabaxa abonisa ukungavelani nawe ube uphantsi kwelifu elimnyama (death/dark cloud). Mcele umhlobo wakho ukuba akuncede, akucebise nokucebisa.

Umsebenzi 8

Emva kokuba nibukele ividiyo, ziyileleni elenu ibali eliphuhlisa eli qhalo: ‘Imbila yaswela umsila ngokuyalezela.’ Sebenzani ngokwamaqela ukuze kubekho nokhuphiswano (competition) lwamaqela.

Umsebenzi 9

(a) Nika intsingiselo yala magama alandelayo ngesiNgesi:

- (i) ukuba nesibindi
- (ii) unyawo lwemfene
- (iii) benditshilo
- (iv) ethokombisile
- (v) Ukukhuza
- (vi) wathi gqi encumile
- (vii) izibhoxi

Umsebenzi 10

(a) Kwividiyo yenu engeli qhalo, ‘Imbila Yaswel’umsila ngokuyalezela,’ qwalasela inkangeleko yobuso nezinye iintshukumo xa bethetha abalinganiswa, omnye nomnye, wandule ukutolika ukuba zithetha ntoni na. Khetha nokuba ngabaphi na abalinganiswa. Xoxani kumaqela enu.

(b) Mfundiso ni enikwa ngulo mdlalo? Thelekisa neyakho inkcubeko.

Umbuzo 11

Sebenzani kumaqela enu.

Funda izivakalisi ezilandelayo, emva koko ukhethe amagama ocinga ukuba azizifaniso (simile), uwabhale phantsi encwadini yakho:

Umzekelo, e.g.: USiphokazi uthetha njengoMamCirha (Siphokazi speaks like MamCirha).

- (i) Indoda engabhatalanga imali eyithunyiweyo nqwa nodyakalashi amaqhinga.
- (ii) UCirhakazi ulila okosana akuva ukuba imali yakhe ayibhatalwanga embuthweni.
- (iii) Ubuqhinga butshutshumbisa okwezemze ligeca imithi
- (iv) Uza kubhitya uxele unomeva xa ungabhatali kwistokfela.
- (v) Watshaza ngathi ngumhlaba uCirhakazi akufumanisa ukuba akukho mali ecaleni kwegama lakhe.